



Te Taetae ni Kaikonaki iroun te Aomata ae Kakannato: Te Reirei iaon te Ongotaeka

Reirei ao Berita aika
Tabu 101:43–62
karakina te taetae ni
kaikonaki are taekinaki ni
kabwarabwara bwa bukin
tera a kakioakinako aika
Itiaki mai Missouri.

I a tia n raraoma n ana tua te Atua?

Ko a tia, n riki n aron te
toro, ae e titiraki ngkana
te tua e bon riai n iai? Te
taetae ni kaikonaki aei e
reirei bwa ana tua te Uea e
kataniira ao e buokiira bwa
tina maiu ma te kukurei
(taraa naba Motiaea 2:41;
Reirei ao Berita aika
Tabu 82:8–10).

Tera ae ti kona ni
karaoia ngkana ti aki
ataa bukin kainnanoan
te tua?

- Kamatebwaia atuun
te reirei ao tataro bwa
te Uea e na buokiira
“namakinna bwa e bon
eti” (Reirei ao Berita aika
Tabu 9:8).
- Uringi taai ake ngkoa
ngke te ongotaeka e uoti
kakabwaia.¹
- Mwakuri ma te onimaki,
onimakinna bwa tina
matata “imwiin kataakin
[ara] onimaki” (Ita 12:6).

N te taetae ni kaikonaki,
toro a waaki ni katea te
taua ma imwiina a baireia
bwa “e aki kainnanaoki”
kateana (Reirei ao Berita
aika Tabu 101:49). Ma ibu-
kina bwa aki katea te taua,
akea te kauring nakoia
ngke a roko aia kairiribai
n rin ao ni urua te nne ni
kureebe.

*Te aomata are e
kakannato e tua-
ngiia ana toro bwa
a na uniki kureebe
ao ni katea oo ni
katobibi aroka ao te
taua bwa e aonga te
tia taratara ni kona
n taratara te aba.*

*Tooro a uniki
kureebe ao a
katei oo ma a
baireia bwa a
na aki katea
te taua.*

*Te kairiribai ae aki
nooraki e urua te
nne ni kureebe.*

TE BWAI AE E NA TARAAKI

1. Taraa Neil L. Andersen,
“Spiritually Defining
Memories,” *Riaona*, Meei 2020,
18–22.